

## SCRIPT OF MORNING GOJRI NEWS BULLETIN 2APRIL 2025 1015HRS

مارننگ گو جری نیوز بولٹن 2 اپریل 2025

\*\*\*\*\*

یوہ آکاشوانی جموں ہے باغ علی طاہرتیں خبر سُنو۔

\*\*\*\*\*

### HOME MINISTER

مرکزی وزیر داخلہ امت شاہ آئندہ ۷ سے ۸ اپریل نانہہ جموں کشمیر غو دورو لاغے سلامتی صورتحال غوجائیزو لیں گا آکاشوانی جموں گ انمائندہ نے جانکاری دیتا واں دسیو ہے جے اپنا دورہ غے دوران وزیر داخلہ اک اعلیٰ سطحی میٹنگ غے دوران موجودہ امن قانون غی صورتحال غو جائیزو لیں گا میٹنگ مانہہ پولیس مرکزی مسلح پولیس دستاں تے خفیہ ایجنسیاں غ اہدیدار شرکت کریں گا۔ اس موقع ور دہشت گردی مخالف کاروائیاں سرحدی زراندازی تے جموں کشمیر غی مجموعی سلامتی صورتحال بارے غور کیو جائیگا۔ اس بارے مزید جانکاری دیتا واں وزیر اعلیٰ عمر عبداللہ نے دسیو ہے جے اپنا دورہ غے دوران وزیر داخلہ بکھ بکھ ترقیاتی پروجیکٹاں غو افتتاح وی کریں گا۔

\*\*\*\*\*

### NEW CRIMINAL LAWS

مرکزی سرکار غی طرفوں نواں فوجداری قانوناں نانہہ جموں کشمیر مانہہ مکمل طور ور لاگو کیا جان غی خاطر اک یکمیٹی تشکیل دتی ہے آکاشوانی جموں گ انمائندہ نے جانکاری دیتاواں دسیو ہے جے وزیر مملکت برائے امور داخلہ نتیا نند رائے اپنا اک تحریری جواب مانہہ لوک سبھا نانہہ جانکاری دتی ہے جے مرکزی سرکار غی طرفوں جموں کشمیر گا چیف سیکرٹری غی قیادت مانہہ اس خاطر اک ہدایت کار کمیٹی بنائی گئی ہے جدکہ دائرکٹر جنرل پولیس غی قیادت مانہہ اک اختیاری کمیٹی تشکیل دتی گئی ہے تانجے نواں فوجداری قانون نانہہ مکمل طور ور عملایو جائے۔ ان فوجداری قانون غو اردو ڈوگری تے کشمیری زبانان مانہہ ترجمو مکمل کرلیو ہے اس توں علاوہ جموں کشمیر پولیس غا تحقیقاتی افسراں غی خاطر تمام جرائم تے جرائم گو پتو لان آلا نیٹورک نظام جن مانہہ ای سکشیا اٹیو ویڈیو ریکارڈنگ اپلیکیشن ای سیم ایس ایم ایس تے ای میلز وغیرہ شامل ہیں قابل کار بنا دتا گیا ہیں اس توں علاوہ ان تریاں فوجداری قانون غا سلسلہ مانہہ اس توں علاوہ تمام ضروری ضابطاں نوٹفیکیشنز تے انتظامی احکامات کاری کردتا گیا ہیں۔

\*\*\*\*\*

### WAQF AMENDMENT BILL

سرکار اچ لوک سبھا مانہہ منظوری غی خاطر وقف ترمیمی بل سال ۲ ہزار ۲۲ پیش کرے گی کل پارلیمنٹ ہاؤس مانہہ میڈیا غا نمائندہ سنگ گل کرتا واں پارلیمانی امور غا وزیر کرن رچی جو جن غے کول اقلیتی معاملان غی وزارت غو چارج وی ہے غو کہنو تھو جے اس بل ور ایوان مانہہ بحث غی کاطر ۸ گھنٹاں غو عرصو مقرر کیو گیو ہے۔ مہارا نمائندہ نے جانکاری دیتا واں دسیو ہے جے اس بل غی منظوری غو خاص مقصد وقف جائیداداں غا ساہم سمہال تے انتظامیہ مانہہ موجود کمیال نانہہ دور کرنو ہے۔

\*\*\*\*\*

### UN OFFICE

لیفٹیننٹ گورنر منوج سنہا نے کہو ہے جے ہُن سرینفر مانہ اقوام متحدہ غا دفتر غی کوئے لوڑ نئیں رہی ہے البتہ اُن غو کہنو تھو جے اس سلسلہ مانہہ مناسب قدم چان غو اختیار وزارت خارجہ کول ہے یوہ پچھیا جان ور جے آل سرینگر مانہہ موجود اقدام متحدہ گا دفتر نانہہ ہُن بند کردینو چائے کیو نجے ہُن صورتحال مانہہ بہتری آگئی ہے تے جموں کشمیر غا معاملہ غے اس ور لیفٹیننٹ گورنر نے کہو جے یوہ معاملو اُن اک اختیار مانہہ نہیں ہے بلکہ اس ور وزارت خارجہ ہی کوئے فیصلو لین غی مجاز ہے۔

\*\*\*\*\*

### BILLAWAR

ضلع کٹھوعہ غا گھاٹی تے بلاور غی پہاڑیاں غے بشکار پنچترتھی علاقہ مانہہ فائرنگ غا اک تبدالہ غے بعد سلامتی دستاں غی طرفوں تلاشی کاروائی جاری ہے واضع رہ جے گزشتہ بار غی شام نانہہ ضلع غا جھکول علاقہ تیں نسیا وا دہشت گرداں سنگ یوہ تصادم پیش ایو پولیس غ اڈائریکٹر جنرل نلین پرہیات تے انسپکٹر جنرل پولیس بہم سین ٹوٹی نے وی بلاور غے نزدیک اس پنج ترتھی علاقہ گو دورو لایو تے تلاشی

کاروائی غو جائیزو لیو۔ اس سانجی تلاشی کاروائی مانہہ فوج این ایس جی، جے کے پی، ایس او جی تے نیم فوجی ستان غا جوان شامل ہیں۔

\*\*\*\*\*

## CEASEFIRE VIOLATION

کنٹرول لائن غا کرشناگھاٹی سیکٹر مانہہ گزشتہ شام در اندازی غی اک کوشش غے دوران اطلاعات غے مطابق پاکستانی فوج تے دہشت گردان گو گج جانی نقصان ہوو ہے پونچھ تیں آکاشوائی غا مہارا نمائندہ نے سرکاری زریعاں غا حوالہ سنگ جانکاری دیتا وں دسیو ہے جے کنٹرول لائن ور ۳ زور درا دھماکہ بشکار دراندازی غی کوشش کی گئی ہے۔

\*\*\*\*\*

## FREE BUS

وزیر اعلیٰ عمر عبداللہ نے بجٹ اعلان غا اک کلیدی حصہ نانہہ پوراں کرتا وں کل سرینگر تیں خواتین واسطے مفت بس خدمات غی شروعات کی ہے۔ اوں جموں مانہہ نائب وزیر اعلیٰ سریندر چودھری نے خواتین واسطے بس خدمات نانہہ شروع کیو اس بارے گل کرتا وں اک سرکاری ترجمان نے اس قدم نانہہ خواتین واسطے سفر آسان بنایا جان غو اک اہم قدم قرار دتو۔

\*\*\*\*\*

## SC ST

ایس سی، ایس ٹی تے او بی سی تنظیمان گی کانفیڈریشن نے کل قبائلی امور غا وزیر جاوید احمد رانا سنگ ملاقات کر غے قبائلی امور گا وزیر جاوید احمد رانا سنگ ملاقات کر غے اُن نانہہ اپنی مانگاں بارے اک مسودو پیش کیو۔ اس مسودہ مانہہ جموں کشمیر غی قبائلی آبادی نانہہ درپیش بکھ بکھ مشکلا غو ذکر کیو گیو ہے جن مانہہ ای اے ٹی تے ہائی کورٹ غ افیصلہ مورخہ ۶ مارچ ۲ ہزار ۵۲ غے مطابق سرکاری نوکریاں مانہہ ان ضمراں غا ملازماں نانہہ ترقی دین غو مطالبو شامل ہے۔ وفد نے وزیر موصوف نانہہ مطالبو کیو ہے۔ جے ایس سی، ایس ٹی ضمراں غا افراد نانہہ میسر زیادتیاں غی روک تھام غا قانون ور سختی سنگ عمل درآمد کرایو جائے ایس آر او ۲ سو ۴۹ غے تحت شڈیول کاسٹ روسٹر پوانٹ نانہہ بحال کیو جائے ایس سی ایس ٹی ضمراں غا امیدواران نانہہ سرکاری نوکریاں مانہہ ۵ سال غی چھوٹ دتی جائے نالے ایس سی ایس ٹی تے او بی سی ضمراں غی بیک لاگ آسامیاں نانہہ پُر کیو جے وزیر موصوف نے اس موقع ور وفد غا مطالبان نانہہ غور نال سنیو تے یقین دوايو جے سرکار اُن غا جائیز مطالبات تے تشویشاں غو مناسب ازالو کرے گی۔

\*\*\*\*\*